

## **Dan škole – prezentacija rada školskih sekcija**

Ove školske godine Dan škole obilježili smo u dva dijela: izletom u grad Jajce i prezentacijom rada školskih sekcija, 04.05.2018. godine. Ovu priliku iskoristili smo i da svečeno otvorimo novoopremljeni aranžerski kabinet. Namještaj i opremu za ovaj kabinet osigurao je Sindikat radnika trgovine i uslužnih djelatnosti u saradnji sa norveškim sindikatima trgovine.

Direktorica škole, Kanita Selmanović-Kulo, uručila je pohvale Nastavničkog vijeća za maturante koji su u dosadašnjem obrazovanju postigli odličan uspjeh i primjerno vladanje.

Naši učenici, sa svojim profesorima, voditeljima sekcija, vrijedno su pripremili slijedeće tačke: prezentaciju rada Preduzeća za vježbu i školskih projekata, prezentaciju školskog časopisa Marketing, recital Kameni spavač, muzičku numeru na engleskom jeziku, a hor naše škole nastupio je u dva navrata.

Po završetku programa upriličena je izložba radova učenika aranžerskog smjera i druženje sa roditeljima.